

# АЗБУКА ВЕРЫ



## Канон успению святой праведной Анны, матери Пресвятой Богородицы

# Канон успению святой праведной Анны, матери Пресвятой Богородицы



Минея, 25 Июля, Каноны святых

Глас 4

## Песнь 1

**Ирмос:** Отвѣрзу уста моя/ и наполнятся Духа,/ и слово отрыгну Царице Матери,/ и явлюся,  
свѣтло торжествуюя,/ и воспою, радуясь, Тыя чудеса.

### Припев:

Согрешений прощение, и злых избавление,/ и житий исправление ныне ми испроси,/ твою  
светоносную память почитающему днесь, Анно всехвальная.

### Припев:

Живот рождшую боголепно родила еси,/ темже к присножизненной жизни преставилася еси,  
наслаждающихся радости неизглаголанная и Света невечерняго, Анно Богозванная.

### Припев:

Благодать Божественная к радости престави,/ без семени юже роди Дщи сея Чистая,/ и  
предстоит со многим дерзновением,/ Господеви молящихся спастися всем.

Слава Отцу и Сыну и Святому Духу.

Праведно и преподобно поживши, всехвальная,/ к Праведному Господу ныне преставилася еси/  
радоватися с праведными, иже от века,/ темже, сошедшая, ты верою почитаем.

И ныне и присно и во веки веков. Аминь.

**Богородичен:** Из Тебѣ нам возсия Сѡлнце праведное,/ и всю озари Богоразумием зѣмлю,/ и разори мглу неразумия, Чистая, Всенепорочная, и Всеблаженная.

### Песнь 3

**Ирмос:** Не мудростию, и силою, и богатством хвалимся,/ но Тобою, Отчею Ипостасною Мудростию, Христѣ,/ несть бо свят, паче Тебѣ, Человеколюбче.

#### Припев:

Зачѣншую Содержащаго вся зачала еси/ и родила еси паче слова Христа рождшую,/ темже твоѣ успѣние, Анно, почитаем.

#### Припев:

С похвалами совершается славная память твоѣ,/ яко родила еси нам хвалений превышшую,/ Чистую Богоматерь, Анно Богоприятная.

#### Припев:

Якоже солнце с луною, Анне совокупляясь,/ славный Иоаким, дѣвства зарю раждает,/ Еяже ради Божества луча просия.

Слава Отцу и Сыну и Святому Духу.

Гору Божественную из чресл твоих родила еси/ и к горам мысленным и рай селением, Анно, преминула еси, Богоблаженная.

И ныне и присно и во веки веков. Аминь.

**Богородичен:** Тя Предстательницу твердую, Богородительнице, стяжанием,/ упование на Тя возложивше, спасаемся/ и, к Тебѣ бо прибегающе, ограждаемся.

### Седален, глас 4

Твоѣ празднуем, праведная Анно, успѣние,/ славою бо неизреченною прослави ты Христос Бог, яко праматерь Свою./ Темже, преставльшися, Того моли мир молитвами твоими подати нам,/ покрывающи от сопротивных души наша.

Слава Отцу и Сыну и Святому Духу, и ныне и присно и во веки веков. Аминь.

**Богородичен:** Обновила еси, Чистая, Божественным Рождеством Твоим/ истлевшее во страстях земнородных мертвенное существо/ и воздвигла еси вся от смерти к животу нетления./ Темже Ты по долгу блажим вси, Дѣво Препрославленная,/ якоже прорекла еси.

### Песнь 4

**Ирмос:** Седяй в Славе на Престоле Божества/ во облаце легце,/ прииде Иисус Пребожественный/ Нетленною Дланию и спасе зовущия:/ слава, Христѣ, силе Твоѣй.

#### Припев:

Яже в законе писаная, поучающися, совершила еси/ и Законодавца Матере матери была еси,/

тѣмже тебѣ вся тварь по долгу ныне сотворяет твою радостно память.

**Припев:**

Блаженное чрево твоё воистинну,/ носившее Свет мира внутрь во чреве носившую,/ и сосца твою красная,/ яко доившая доившую, Анно, Христа, Питателя нашего.

Слава Отцу и Сыну и Святому Духу.

Яко поживши непорочно, Юже непорочно родила еси, Богородицу Отроковицу,/ Слово Отчее породившую,/ и к Немѹ со славою вселилася еси,/ обоженá честными воистинну причастии.

И ныне и присно и во веки веков. Аминь.

**Богородичен:** Дѣвы чрево – стог, якоже на гумне, воистинну явися,/ клас недѣланен имѹщи, имже питается всякое естество, зовущее:/ Всесильне, слава, Христѣ, силе Твоей.

**Песнь 5**

**Ирмос:** Нечестивии не узрят славы Твоея, Христѣ,/ но мы Тя, Единородне,/ Отеческия Славы Сияние Божества,/ от нощи ѹтреннююще,/ воспевáем Тя, Человеколюбче.

**Припев:**

Небо родила еси на земли воистинну, рождшую Небесѣ Творца,/ днесь ты представляюща к Небесным со славою, Анно преславная.

**Припев:**

С невещественными чинми невещественным умом ликѹеши радостно,/ исполняема сияния Богатодавца,/ но нас поминáй, верою хвãлящих тя.

Слава Отцу и Сыну и Святому Духу.

От корене Иессеева прозябшая яве,/ благоцветущий жезл, Чистую, израстила еси, славная,/ израстившую цвет неувядающий, Иисуса, Избавителя нашего.

И ныне и присно и во веки веков. Аминь.

**Богородичен:** К Тебѣ прибегаю единой державней, верных покрову,/ на Тя надежду возлагаю спасения моего,/ Пресвятáя Владычице Богородице, не презри мене.

**Песнь 6**

**Ирмос:** Пожру Ти со гласом хваления, Господи,/ Церковь вопиет Ти,/ от бесовския крове очищися/ ради милости от ребр Твоих/ истекшею Кровию.

**Припев:**

Господа Иисуса Бога праотцы,/ Иоаким же и Анна, правдою украшени,/ по достоянию в песнех да восхваляются днесь.

**Припев:**

Всяческих похвал Анна превзыде,/ яко всякия похвалы превозшедшую родила есть,/ сего ради в лице праведных водворяется.

**Припев:**

Светоносия и светлости исполнена память твоя,/ сияния же в мире спасительная испущающи,/ целомудренная Анно, дарований всяческих исполни.

Слава Отцу и Сыну и Святому Духу.

Ручку, манну Божественную вместившую, во чреве носила еси, Анно,/ и, с Нейю ныне на Небесех живущи,/ о всех молишися, прехвальная.

И ныне и присно и во веки веков. Аминь.

**Богородичен:** От Анны миру родилася еси,/ Царнице, всех Царя рождающая,/ и, девствующи по Рождестве, Херувим превышши, Пренепорочная.

**Кондак, глас 2**

Прародителей Христовых память празднуем,/ тех верно просяще помощи/ избавитися всем от всякия скорби, зовущим:/ Бог наш с нами, сих прославлей, якоже благоволи.

**Икос**

Пророчески снидемся вси достойно пети праматере Христовы блаженное преставление:/ днесь бо от временныя преставися жизни,/ на Небесех с радостию шествие творящи, радуется,/ яко сущи матери истинныя сущия Богородицы, и взывает верно:/ величит душа моя Господа, яко родих сего Матерь на земли,/ Иже Сию прославлей, якоже благоволи.

**Песнь 7**

**Ирмос:** Спасий во огни авраамския Твоя отроки/ и халдеи убив,/ яже Правда праведно уловляше,/ препетый Господи,/ Боже отец наших благословен еси.

**Припев:**

Яко жизни истинныя, Анно, Матерь рождши,/ к жизни истинней преставилася еси ко свету, зывающи:/ препетый Господи, Боже отец наших, благословен еси.

**Припев:**

Иже Матери Избавителя матери сущи, Анно,/ от земли к Небеси, добродетельми украшена, востече, во хвалении зовущи:/ Боже отец наших, благословен еси.

**Припев:**

К нескончаемой жизни, к пространней широте райския пищи,/ к невечернему свету отшла еси, Богоносице, зовущи:/ Боже отец наших, благословен еси.

Слава Отцу и Сыну и Святому Духу.

Испещрена добродетельми, доброю Божественных дарований украшена,/ к Богу преложися,

непрестанно зовуци:/ препётый Гóсподи, Бóже отецъ нашихъ, благословён еси.

И ныне и присно и во веки вековъ. Аминь.

**Богородичен:** Украшена добрѣтами добродѣтелей,/ краснаго паче сыновъ человеческихъ и  
родила еси Слово, Пренепорочная,/ красными лепотами украшающаго Тебѣ песнословящихъ.

## Песнь 8

**Ирмос:** Отроки благочестивыя в пещи/ Рождество Богородичо спасло есть;/ тогда убо образу  
емое,/ ныне же действующее,/ вселенную всю воздвизаетъ пѣти Тебѣ:/ Гóспода пойте, дела,/ и  
превозносите Его во вся веки.

### Припев:

Мати единыя Богородицы, яже неплоды прежде, ныне же прамати Христова,/ якоже  
неплодства, сице и мертвости, совлѣкши одежду, во стране живущихъ вопиетъ:/ Гóспода пойте,  
дела, и превозносите Его во вся веки.

### Припев:

Христосъ тебѣ двѣри Вышняя отверзе, радостно ты приятъ,/ яко дверь родила еси, еюже Сам  
пройде и затворену яви по исхождѣнии,/ Богомудрая достойнопѣтая Анно,/ темже ты почитаемъ,  
вернии, во веки.

Слава Отцу и Сыну и Святому Духу.

Свято житиѣ скончавши, Святыя Приснодѣвы мати была еси,/ Яже Пресвятѣе Слово породѣ,  
освященіе и избавленіе намъ подающа,/ Богомудрая и досточудная Анно,/ темже ты поемъ  
присно, вернии, во веки.

И ныне и присно и во веки вековъ. Аминь.

**Богородичен:** Многими мя содержи́ма бедами и бурею греховною бѣдствующаго,/ ко  
пристанищу невлаемому дыханіи Духа, Богородительнице Владычице, ныне настави:/  
пристанище бо еси христианъ./ Темже Тя поемъ во вся веки.

## Песнь 9

**Ирмос:** Ева убо недугомъ преслушания/ клятву вселила есть;/ Ты же, Дѣво Богородице,/  
прозябѣниемъ чревоношения мiрови Благословеніе процвѣла еси./ Темъ Тя вси величаемъ.

### Припев:

От земли чрева твоего войстинну роди́ся земля святая,/ недѣланенъ класъ прозябши безсеменно,  
мирови Питателя и Гóспода,/ тебѣ к пищи неизживаемой, Анно, премудро преставльшаго.

### Припев:

Память твою днесъ намъ возсия, солнца светлейши,/ сияніемъ богатыхъ даровъ насъ просвѣщаючи,  
всечестная, и мракъ страстей изымаючи,/ юже совершающихъ сохрани.

Слава Отцу и Сыну и Святому Духу.

Божественный нас Иоаким и Анна Богомудрая и всеславная,/ супруг честный и светоносный,  
созывают божественно веселиться сих праздником,/ егже уясни Светодавец всех Господь.

И ныне и присно и во веки веков. Аминь.

**Богородичен:** Марије Госпоже всех, всякими мя порабощена согрешении ныне свободи:/ Сама  
бо Свободителя родила еси всех,/ работы нас избавльшаго греховныя, Божественным  
мановением.

## **Светилен**

Достодолжно воспоём Богозванную Анну:/ Богородицу бо та Деву Марию рождши паче  
надежды,/ сродница по плоти Христа, Избавителя нашего, явися,/ сию боголепно приемшаго  
днесь в Вышних, о нас молящуюся и о умирении мира.

Слава Отцу и Сыну и Святому Духу, и ныне и присно и во веки веков. Аминь.

**Богородичен:** Небо рождши, Анно, новое, Марию, Еюже возсия славы Солнце,/ днесь от земли  
к Небесным преходиши,/ Христу срадующися, преславная.